



Utval:	Kommunestyret
Møtestad:	Roan Fyresdal Næringshage
Dato:	02.05.2019
Tid:	19:00
	18:00 gruppemøte
	Generalforsamling i Telemark Lys AS etter kommunestyremøtet(eiga innkalling)

Forfall meldast til sentralbordet på tlf. 35 06 71 00.
Varamedlemmer møter bare etter nærare varsel.

Overføring på webTV frå kl 19:00

Saksliste

Utvals- saksnr	Innhald
-------------------	---------

PS 25/19	Referatsaker
PS 26/19	Konstituering av assisterande rådmann frå 01.04.2019
PS 27/19	Søknad om skjenkeløyve - Bistro Teisner AS
PS 28/19	Organisering av NAV Fyresdal
PS 29/19	Utviding av aksjekapital i Telemarkrøye AS

Fyresdal 25. april 2019

Erik Skjervagen
ordfører

Fellestenesta
utvalssekretær

PS 25/19 Referatsaker

RS 11/19 Orienteringar

**Saksframlegg****Konstituering av assisterende rådmann frå 01.04.2019**

Utval	Utvalssak	Møtedato
Kommunestyret	26/19	02.05.2019

Bakgrunn for saka:

Ketil Kiland avslutta sitt arbeidsforhold som rådmann frå 01.04.2019. Frå den datoen vart Une Marit Aarbakk Tangen konstituera som rådmann fram til ny rådmann er på plass. I samband med dette og arbeidsoppgåvene dette medfører, ber vi om at Kjersti Bergland vert konstituera som assisterande rådmann frå 01.04.2019 og frem til ny rådmann er på plass.

Innstilling frå rådmannen:

Kjersti Bergland blir konstituera assisterande rådmann frå 01.04.2019 fram til ny rådmann er på plass.

Une Marit Aarbakk Tangen	
Konst.rådmann	

**Saksframlegg****Søknad om skjenkeløyve - Bistro Teisner AS**

Utval	Utvalssak	Møtedato
Kommunestyret	27/19	02.05.2019

Endeleg vedtaksrett i saka har: Kommunestyret

Dokument i saka:

Søknad frå Bistro Teisner AS, datert 20.03.19.
Situasjonsplan Bistro Teisner, henta frå søknad om serveringsløyve.
Firmaattest Bistro Teisner AS.
Skatteattest Bjørn Veum Seljevold, henta frå søknad om serveringsløyve.
Uttale frå NAV Fyresdal datert 02.04.19.
Uttale frå FN Eigedom datert 03.04.19.
Uttale frå lensmannen i Vinje datert 08.04.19.
Heilskapleg rusmiddelpolitisk handlingsplan for Fyresdal kommune.
Lov om omsetning av alkoholholdig drikk, (alkoholova).
Forskrift om omsetning av alkoholholdig drikk.

Vurdering:

*Saka er vurdert ut frå følgjande mål i økonomiplanen for 2019 – 2022;
Handlekraft og kreativitet skal prege næringsarbeidet i Fyresdal slik at nåverande og nye bedrifter får lyst og mot til å satse.*

Bistro Teisner AS ynskjer skjenkeløyve heile året.
Dei beskriv bruk av arealet som restaurant, catering og privat fest.
Familievennleg etablering på dagtid og aldersgrense 18 år etter kl 21.00.

Dei vil ha 100 sitjeplassar innandørs og 30 sitjeplassar utandørs.
Opningstidene er måndag og tysdag kl 11.00 – 22.00, onsdag og torsdag kl 11.00 – 24.00, fredag og laurdag kl 11.00 – 02.00 og søndag kl 11.00 – 20.00.

Skjenketidene dei ynskjer er frå 11.00 – 02.00.
Her må tidsroma vedtekne i heilskapleg rusmiddelpolitisk handlingsplan for Fyresdal kommune fyljast.

Skjenking i skjenkelokale, med alkoholinnhald lågare enn 22 volumprosent, kan skje kl 10.00-02.00, med alkoholinnhald med meir enn 22 volumprosent, kan skje kl 13.00-01.00.

Når det gjeld skjenking ute gjeld desse reglane;
Skjenking med alkoholinnhald lågare enn 22 volumprosent kan skje måndag - torsdag, søndag og høgtidsdag kl 10.00-24.00, fredag, laurdag og dag før høgtidsdag samt alle dagar ved slutta selskap kl 10.00-02.00.

Skjenking med alkoholinnhald 22 volumprosent alkohol eller meir kan skje måndag - torsdag, søndag og høgtidsdag kl 13.00-24.00, fredag, laurdag og dag før høgtidsdag samt alle dagar ved slutta selskap kl 13.00-01.00

NAV Fyresdal har ingen merknadar til søknaden. Dei påpeikar at heilskapleg rusmiddelpolitisk handlingsplan for Fyresdal kommune, alkohollova og forskriftene til denne må fyljast.

Lensmannen har ikkje kome med noko merknadar til søknaden om skjenking av alkohol.

Eg viser her til uttala som kom til søknaden om serveringsløyve.

Der blei firmaet og dei involverte personane vurdert etter alkoholloven §§1-7b og 1-7c, serveringsloven §6 jf politiregisterloven §36 fyrste ledd nr.2 jf §45.

Skatteetaten har ikkje kome med uttale.

FN Eigedom som eig bygget har kome med positiv uttale til søknaden.

Dei har innarbeidd i eiga avtale med leigetakar der dei presiserer at alkoholserveringa ikkje må skje i konflikt med Næringshagens funksjon som kontorstad/arbeidsplass og lokalisering av offentlege kontor.

FN Eigedom meiner det er viktig med krav i løyvet som blir gitt at det ved arrangement skal vere kontroll, orden og vakthald.

Bistro Teisner AS ligg slik til at det er ikkje stor fare for at omgjevnadane blir uroa av gjestene, skissert situasjonsplan må fyljast.

Etter alkohollova §1-7c skal kvart løyve har styrar med stedfortreder.

Styrar må vere over 20 år og ha dokumentert kunnskap om alkoholloven.

Det kan gjerast unntak for kravet om stedfortreder når det virkar urimeleg på bakgrunn av storleiken til skjenkestaden. Storleiken her kan tilseie at vi kan gjere unntak på kravet om stedfortreder.

Etter alkohollova §7-1 er det gebyr for skjenkeløyve. Gebyret blir rekna ut på grunnlag av faktisk omsatt mengde alkoholholdig drikk. Løyvegebyret utgjer pr 2019, minimum kr 5 200,- for skjenking. Løyvehavaren skal kvart år, uoppfordra, sende inn omsetningsoppgåve innan 15.02 til Fyresdal kommune.

Forskrift om omsetning av alkohol kap. 8 omhandlar internkontroll. For å sikre at krav fastsett i eller i medhald av alkohollova blir fylgd, jamfør alkohollova § 1-1, skal innehavaren av skjenkestaden føre internkontroll med verksemda. Bistro Teisner AS må ha internkontroll.

Tal på skjenkestadar i kommunen har halde seg stabilt lenge.

Det er nå to skjenkestadar som har sagt opp sitt løyve og det er difor ikkje noko i vegen for at det blir gitt skjenkeløyve til Bistro Teisner AS.

Tidsromet for skjenking blir å gjelde frå vedtaket er fatta til 30.06.2020.

Kommunestyret har i eige vedtak med heimel i alkohollova § 1-6 sagt at løyva ikkje skal opphøyre med nytt kommunestyret kvart 4.år.

Løyva gjeld vidare inntil nytt kommunestyre ynskjer å endre reglane.

Konklusjon:

Det er positivt at det blir oppretthalde serveringsstad i Fyresdal Næringshage.

Det at Bistro Teisner AS ynskjer skjenkeløyve i samband med dette kan vere bra næringsmessig. Innbyggjarane og besøkande får då eit breiare tilbod.

Det er ingen negative merknader på innhenta uttaler.

Dagleg leiar og styrar Trond Rustand er myndig og har teke kunnskapsprøva etter alkohollova i 2005.

Innstilling frå rådmannen:

Bistro Teisner AS org nr 922393710, ved kontaktperson Robin Seljevold får innvilga skjenkeløyve i leigde lokal i Fyresdal Næringshage.

Type verksemd: Bistro Teisner, restaurant og catering.

Dagleg leiar og styrar: Trond Rustand f 03.05.68.

Løyvet gjeld skjenking av alkohol med inntil 60 volumprosent alkohol, inne i lokala og ute på terrassen. Skjenking må vere innafor området på skissert situasjonsplan.

Skjenking inne:

Alkoholinnhald lågare enn 22 volumprosent, kan skje kl 10.00-02.00, alkoholinnhald med meir enn 22 volumprosent, kan skje kl 13.00-01.00.

Skjenking ute:

Alkoholinnhald lågare enn 22 volumprosent kan skje måndag - torsdag, søndag og høgtidsdag kl 10.00-24.00, fredag, laurdag og dag før høgtidsdag samt alle dagar ved slutta selskap kl 10.00-02.00.

Alkoholinnhald 22 volumprosent alkohol eller meir kan skje måndag - torsdag, søndag og høgtidsdag kl 13.00-24.00, fredag, laurdag og dag før høgtidsdag samt alle dagar ved slutta selskap kl 13.00-01.00.

Det blir gitt unntak for krav om stedfortreder på grunn av storleiken på verksemda.

Løyveperiode: 03.05.19-30.06.20, løyvet blir gjeldande vidare inntil nytt kommunestyre ynskjer å endre reglane.

Løyvegebyr skal betalast kvart år. Bistro Teisner AS skal sende inn omsetningsoppgåve innan 15.02 til Fyresdal kommune.

Bistro Teisner AS må ha internkontroll.

Det må ved større arrangement vere tilstrekkeleg med vakter for å overhalde ro og orden.

Dagleg leiar må fylje Heilskapleg rusmiddelpolitisk handlingsplan for Fyresdal kommune, Lov om omsetning av alkoholholdig drikk, (alkoholova) og Forskrift om omsetning av alkoholholdig drikk.

Une Marit Aarbakk Tangen	
Konstituert rådmann	Grethe Lassemo
	avdelingsleiar

**Saksframlegg****Organisering av NAV Fyresdal**

Utval	Utvalssak	Møtedato
Råd for eldre og menneske med nedsett funksjonsevne	5/19	29.04.2019
Formannskap	16/19	25.04.2019
Kommunestyret	28/19	02.05.2019

Endeleg vedtaksrett i saka har: Kommunestyret**Dokument i saka:**

Referat frå partnerskapsmøte 19.03.19.

Vedlegg:

- 1 Samarbeidsavtale NAV Vest Telemark

Bakgrunn for saka:

Kommunestyret gjorde i sak 32/18 vedtak om at NAV Fyresdal skulle bestå som eige NAV-kontor og ikkje gå inn i samarbeid med dei andre 5 kommunane i Vest Telemark om eit felles NAV-kontor for regionen. Bakgrunnen for dette var at nærleiken til brukarane var viktigare enn sentralisering og robuste einingar.

Vurdering:

Saka er vurdert ut frå følgjande mål i økonomiplanen for 2019 – 2022: Fokus på helsefremmande, førebyggjande arbeid og gode levekår for alle.

NAV Vestfold og Telemark har nå signalisert at dei ynskjer å trekke den statlege delen av NAV-kontoret ut av kontoret i Fyresdal og legge denne til NAV Vest Telemark. Då vil vi bli sittande att med ei stilling som skal ta seg av dei kommunale oppgåvene som er lagt inn i NAV. Dette vil vere ein lite gunstig situasjon då ein vil bli svært sårbar ved frávær og ferieavvikling. Ved å gå inn i NAV Vest Telemark på lik linje med dei andre Vest Telemark kommunane vil ein redusere sårbarheten til eit minimum.

Ressurs til leiaransvar for NAV-kontoret som har vore på 40% har NAV Vestfold og Telemark vore heilt klare på at vil bli tatt vekk frå kontoret her og då sit vi med eit NAV-kontoret med to tilsette utan leiar. Dette er ikkje ein holdbar situasjon og Fyresdal kommune må då inn ytterlegare ressursar (i tillegg til den eine stillinga i betalar i dag) for å dekke opp leiarressurs. Ved å gå inn i NAV Vest Telemark vil ein kunne unngå dette.

Eit NAV-kontor i kvar kommune vil bli oppretthalde sjølv med ei felles organisering der Tokke kommune er vertskommune i dag. Fyresdal skal framleis ha NAV – kontor i Næringshagen der brukarane vil få den hjelpa dei skal ha. Med å samle alle tilsette i NAV i Vest Telemark i dag under ein paraply vil ein sikre kompetanse, arbeidsvilkår for dei tilsette, rett hjelp til brukarane i kommunen, redusere sårbarheten ved ferie og frávær osv.

Eit kontor med to tilsette, der NAV sine sikkerhetsrutiner gjer det klart at ein ikkje skal ha ope kontor når ein er åleine, vil ikkje vere eit godt alternativ for brukarane.

Den økonomiske kostnaden med dagens løysing på NAV-kontoret utgjorde i 2018 omlag 600.000, i dette ligg det husleige, løn og drift av kontoret tilsvarande 1 stilling.

Samarbeidsavtala som dei andre kommunane i Vest Telemark har underteikna går fordelinga av kostnaden ved kontoret etter lik fordeling som i andre samarbeid i Vest Telemark.

I referatet frå seiste partnerskapsmøte mellom kommunen og NAV Telemark står det fylgjande: *Terje (Fylkesdirektør Telemark og Vestfold) informera om at han kan bli med å dekke event ein del av ei husleige dersom konklusjonen vert at NAV Fyresdal gjeng inn i eit felles NAV kontor.*

Ved å gå inn i samarbeidet i Vest Telemark vil ein kunne forvente ei mindre utgift på å oppretthalde tilnærma likt tilbud som i dag ved NAV-kontoret i Fyresdal. Med å oppretthalde Fyresdal som eige kontor må ein pårekne meirkostnad med også å dekke leiarressurs som den statlege delen av NAV har trekt ut av kontoret.

Dei lokala som NAV disponerar i dag vil nå, med bare to tilsette, vere i overkant store. Kyrkja har eit behov for større lokale og både dei og NAV ser det som hensiktsmessig å bytte lokaliteter. Dette vil dekke behovet for begge på ein meir hensiktsmessig måte.

Konklusjon:

For å redusere sårbarheten på kommunale tenester og oppretthalde eit godt NAV-tilbud i Fyresdal bør ein gå inn i samarbeidet med dei andre Vest Telemark kommunane om eit felles kontor i regionen med Tokke som vertskommune.

Innstilling frå rådmannen:

Fyresdal kommune går inn i NAV-samarbeidet i Vest Telemark snarast råd og tiltrer avtala på likelydande vilkår som dei andre kommunane med Tokke som vertskommune.

NAV og Kyrkja bytter kontorlokale då dette vil vere meir i tråd med behovet. Kostnader knytt til bytte vere dekt av leigetakarane.

Handsaming i Formannskap - 25.04.2019

Samrøystes i samsvar med innstillinga frå rådmannen.

Vedtak i Formannskap - 25.04.2019

Fyresdal kommune går inn i NAV-samarbeidet i Vest Telemark snarast råd og tiltrer avtala på likelydande vilkår som dei andre kommunane med Tokke som vertskommune.

NAV og Kyrkja bytter kontorlokale då dette vil vere meir i tråd med behovet. Kostnader knytt til bytte vere dekt av leigetakarane.

Ketil O. Kiland	
rådmann	Kjersti Bergland
	økonomi- og plansjef



Samarbeidsavtale

Kommunelova §28-1-b. Administrativt vertskommunesamarbeid

Om NAV Vest-Telemark

Kommunane: Seljord, Vinje, Kviteseid, Nissedal og Tokke



**Seljord, Vinje, Kviteseid og Nissedal
kommunar
som samarbeidskommunar
og
Tokke kommune som vertskommune**



Innhold

1. Føremål.....	3
2. Vertskommunens mynde og oppgaver	3
3. Vertskommunens ansvar	5
4. Oppgaver som fell utanfor ansvaret til vertskommunen.....	5
5. Organisering av NAV Vest-Telemark.....	6
6. Rapportering.....	6
7. Finansiering	6
8. Klagehandsaming.....	7
9. Oppseiling	7
10. Ending	7
11. Misleghald.....	7
12. Twistar	7
13. Når avtala tek til å gjelde	7
14. Godkjenning i kommunesyret.....	8



1. Føremål

Etter lov om sosiale tenester i arbeids- og velferdsforvaltninga er kommunane pålagde ansvar for å syte for at personar som bur eller oppheld seg i kommunen får tilbod om råd, rettleiing og ulike naudsynte sosiale ytingar.

For at kommunane på best mogleg måte skal utføre dei oppgåvene og den mynda som lova gjev dei, blir det oppretta ei avtale om administrativt vertskommunesamarbeid etter kommunelova § 28-1b for drifta av det interkommunale tenesteområdet NAV Vest-Telemark.

Føremålet med avtala er å:

Legge tilhøva til rette for eit kostnadseffektivt og nyskapande tenesteområde.
Legge tilhøva til rette for eit likeverdig samarbeid mellom deltakarkommunane.

Målet med å etablere eit interkommunalt NAV-tenesteområde gjennom denne avtala er:

Felles NAV-tenesteområde har til føremål å styrkje kompetansen innan forvaltningstenesta til det beste for brukarane. Eit større og meir robust fagmiljø skal føre til:

1. Ei ope og tilgjengeleg teneste for brukarar og samarbeidspartnarar
2. Betre tenester for brukarane i regionen
3. Fleire i arbeid og færre på stønad
4. Auka habilitet og rettstryggleik i sakshandsaminga
5. Sikre einskapleg forvaltningspraksis
6. Meir effektiv og stabil drift

Eit interkommunalt NAV-tenesteområde vil i tillegg vera med på å

- betre kvaliteten på tenestene for brukarane i regionen
- oppnå ein betre kostnadseffektivitet for kommunane og samfunnet elles

2. Vertskommunens mynde og oppgåver

Kommunane delegerer følgjande mynde til rådmannen og vidare til rådmannen i vertskommunen:

1. Mynde til å leie og administrere den mynda og dei oppgåvene som kommunane er gjevne i arbeids- og velferdsforvaltninga, heimla i Lov om sosiale tenester i arbeids- og velferdsforvaltninga kapittel 2 § 3.
2. Mynde til å gjere vedtak om tildeling av kommunale tenester heimla i Lov om sosiale tenester i arbeids- og velferdsforvaltninga § 17 *Opplysning, råd og rettleiing*
3. Mynde til å gjere vedtak om tildeling av kommunale tenester heimla i Lov om sosiale tenester i arbeids- og velferdsforvaltninga § 18 *Stønad til livsopphold*.
4. Mynde til å gjere vedtak om tildeling av kommunale tenester heimla i Lov om sosiale tenester i arbeids- og velferdsforvaltninga § 19 *Stønad i særlege tilfelle*.
5. Mynde til å gjere vedtak om bruk av vilkår for tildeling av økonomisk stønad heimla i Lov om sosiale tenester i arbeids- og velferdsforvaltninga § 20 *Bruk av vilkår*.



Samarbidsavtale

6. Mynde til å gjere vedtak om tildeling av kommunale tenester heimla i Lov om sosiale tenester i arbeids- og velferdsforvaltninga § 27 *Midlertidig botilbud*.
7. Mynde til å gjere vedtak om tilbakebetaling av økonomiske ytingar heimla i Lov om sosiale tenester i arbeids- og velferdsforvaltninga § 23 *Følgen av at det er gitt uriktige opplysninger*.
8. Mynde til å gjere vedtak om inndrivning av utbetalte økonomiske ytingar heimla i Lov om sosiale tenester i arbeids- og velferdsforvaltninga § 23 *Følgen av at det er gitt uriktige opplysninger og § 24 inndrivelse av lån og andre former for dekning*.
9. Mynde til å gjere vedtak om og til utarbeiding av individuell plan for brukarar med behov for langvarige og koordinerte tenester heimla i Lov om sosiale tenester i arbeids- og velferdsforvaltninga § 28 *Rett til individuell plan*.
10. Mynde til å gjere vedtak som underinstans i klagesaker som ikkje er av prinsipiell tyding, og i klagesaker der vedtaket er heimla i Lov om sosiale tenester i arbeids- og velferdsforvaltninga § 15, § 18, § 19, § 20, § 23 og § 24
11. Mynde til å gjere vedtak om tildeling av kommunale tenester heimla i Lov om sosiale tenester i arbeids- og velferdsforvaltninga § 29 *Kvalifiseringsprogram, § 30 Kvalifiseringsprogrammets innhald, § 31 Iverksetting av programmet og § 32 Programnets varighet*
12. Mynde til å gjere vedtak om utlevering av opplysningar til fylkesmannen.
13. Mynde til å utføre rapportering til SSB og årleg KOSTRA-rapportering.
14. Mynde til å utarbeide verksemdsplan, budsjett, tertialrapportar og årsmelding.
15. Andre oppgåver som kan leggjast til denne avtala.

Den einskilde samarbeidskommune kan, dersom rådmannen i samarbeidskommunen og rådmannen i vertskommunen er samde om det, leggje andre kommunale tenester på vegne av samarbeidskommunen til denne vertskommuneavtala. Område som er nemnde i dette punktet når avtala er inngått, er:

Seljord:

- Standard løysing, jf. Lov om sosiale tenester i arbeids- og velferdsforvaltningen
 - Statleg bustøtte

Vinje:

- Standard løysing, jf. Lov om sosiale tenester i arbeids- og velferdsforvaltningen
 - Statleg bustønad

Kviteseid:

- Standard løysing, jf. Lov om sosiale tenester i arbeids- og velferdsforvaltningen
 - Statleg bustønad

Nissedal:

- Standard løysing, jf. Lov om sosiale tenester i arbeids- og velferdsforvaltningen
 - Statleg bustønad

Tokke:

- Standard løysing, jf. Lov om sosiale tenester i arbeids- og velferdsforvaltningen
 - Statleg bustønad

Sign: _____/_____/_____/_____



Slike tillegg skal dimensjonert og kostnadene skal fastsetjast i eiga avtale signert av rådmennene. Rådmannen i samarbeidskommunen skal vidare delegera fullmaktene sine til å fatte vedtak innafør desse tenestene til rådmannen i vertskommunen.

3. Vertskommunens ansvar

Vertskommunen ved rådmannen skal:

- Vere arbeidsgjever for tilsette, administrasjon og leiar i NAV-tenesteområdet.
- Drive det interkommunale NAV-tenesteområdet basert på delegasjonar frå deltakarkommunane.
- Stille til rådvelde bygg og utstyr for det interkommunale NAV-kontoret.
- Stille til rådvelde naudsynte støttefunksjonar for drifta av det interkommunale tenesteområdet.
- Utarbeide rekneskapen for drifta av NAV Vest - Telemark. Rekneskapen skal først som eigen rekneskap i vertskommunens driftsrekneskap.
- Vere partsrepresentant ved eventuelle rettsaker og tvistar som knyter seg til oppgåver der Tokke kommune er rett saksøkt/saksøkt.
- Utarbeide ein verksemdsplan med mål og resultatkrav. Planen skal omtale dei tiltaka som skal føre til at ein når måla, og også den ressursinnsatsen ein reknar med.
- Gjere dei kontraktane og avtalene som trengst for å drive NAV Vest - Telemark på vegne av deltakarkommunane.
- Organisere kunde- og publikumskontakt for alle kommunane i samband med dei oppgåvene som er lagde til vertskommunen, medrekna rettleiing, utarbeiding av relevant informasjonsmateriale m.m.
- Ha arkivansvaret for sosialtenesta i det interkommunale NAV-tenesteområdet.
- Utføre arkivering elles i samsvar med arkivlova.
- Utføre anna arbeid som står i naturleg samanheng med verkeområdet i avtala, medrekna innkjøp av utstyr, konsulenttenester m.m.

4. Oppgåver som fell utanfor ansvaret til vertskommunen

Deltakarkommunane utfører sjølv følgende oppgåver:

1. Veda forskrifter, medrekna økonomiske stønadssatsar
2. Veda planar for den einskilde kommunen
3. Avgjere nivået på tenesteinnhaldet i eigen kommune
4. Gå til eller motta søksmål



5. Organisering av NAV Vest-Telemark

NAV Vest-Telemark skal organiserast som ei teneste under rådmannen i vertskommunen, med ein leiar som får delegert mynde for fag, personale og økonomi. Vertskommunen har ansvaret for tilsetjingar i tråd med vanlege prosedyrar.

Hovudkontoret vil ligge i vertskommunen, Tokke kommune.

NAV Vest-Telemark skal ha tilgang til kontor på kommunehusa i samarbeidskommunane. NAV Vest-Telemark skal ha tilgang til publikumspc-ar i dei respektive kommunehus.

Arbeidsgjevaransvaret for dei kommunale stillingane blir overført frå den einskilde kommunen til vertskommunen frå tidspunktet for overdraginga. Endringa er definert som ei verksemdsoverdraging. Alle tilsette må rekne med å utføre tenester innafør heile regionen. Medverknaden frå dei tilsette skal skje i samsvar med reglane i hovudavtala.

6. Rapportering

NAV Vest-Telemark rapporterer til rådmannen i vertskommunen.

Det skal haldast samarbeidsmøte mellom rådmannen i vertskommunen og rådmennene i samarbeidskommunane minst 2 gonger i året. Det skal utarbeidast tertialrapportar og årsmelding for dei samarbeidande kommunane.

Rådmannen i vertskommunen orienterer dei einskilde deltakarkommunane spesielt om vedtak av prinsipiell karakter.

Samarbeidskommunane blir skilt ut som eigne avdelingskontor/distrikt i samband med rapportering til fylkesmannen, SSB/Kostrå og annan statleg rapportering.

Det skal haldast partnerskapsmøte mellom rådmennene i Seljord, Vinje, Kviteseid, Nissedal, Tokke og NAV ved fylkesdirektøren minst 1 gong i året. Når det trengst kan det avlastast jamlegare møte.

Leiarar for NAV Vest-Telemark har ansvaret for at det tverrfaglege samarbeidet med samarbeidskommunane blir halde i hevd.

7. Finansiering

Vertskommunens kostnader til personale, husleige og kontorhald blir finansiert gjennom delbetaling frå deltakarkommunane. Betaling og avrekning skjer i tråd med rutinar ein elles har for samarbeid i Vest-Telemark.

Budsjettrutinar følgjer rutineane for Vest-Telemark samarbeida.

Delinga av eventuelle kostnader i 2019 til det interkommunale kontoret NAV Vest-Telemark (avsnitt 2, pkt. 1-14) skal skje på grunnlag av ei utrekning av faktiske kostnader som den



enkelte kommunen går inn i samarbeidet med. Fordelingsnykkelen frå og med 2020 blir fastsett seinare.

I ei skriftleg samarbeidsavtale skal partane definere, dimensjonere og fastsetje kostnadsprinsipp for ytingar til samarbeidskommunane som går ut over det det felles mandatet til NAV Vest-Telemark (avsnitt 2 punkt 15). Kommunen som tingar desse ytingane ber kostnadene.

Brukarretta ytingar og tenester skal budsjetterast og bokførast på den kommunen der brukaren er busett.

8. Klagehandsaming

NAV Vest-Telemark skal ta i mot og handsame klage på tenester. Gjeld klaga lovpålagte tenester skal klaga sendast vidare til fylkesmannen for endeleg handsaming, uavhengig av kvar brukaren bur.

9. Oppseiing

Kvar kommune kan med skriftleg varsel på 1 år seie opp deltakinga si i vertskommunesamarbeidet. Om ein kommune går ut eller samarbeidet blir oppløyst, vil den einskilde kommunen sjølv overta ansvaret for dei oppgåvene som er omfatta av samarbeidsavtala. Går ein kommune ut av avtala, fell plikta til å dekkje utgifter til samarbeidet bort frå 1. januar året etter at kommunen har gått ut.

10. Endring

Denne avtala kan endrast dersom ein av partane krev det. Endringar krev senje mellom partane.

11. Misleghald

Dersom ein av kommunane vesentleg mislegheld pliktene sine etter denne avtala, kan dei andre kommunane seie opp avtala. Dei andre kommunane kan då krevje at den kommunen som mislegheld avtala dekkjer det påførte tapet.

12. Twistar

Partane skal søkje å løyse på minneleg måte eventuell usemje om den delen av avtala som er rettsleg pliktande. Dersom partane ikkje blir samde, kan dei leggje tvisten fram for dei ordinære domstolane. Vernetng i slike saker skal vere vernetng i vertskommunen.

13. Når avtala tek til å gjelde

Avtala tek til å gjelde frå ho er undertelkna, men silk at vertskommunen fyrst får mynde til å gjere vedtak frå 01.01.2020.



14. Godkjenning i kommunestyret

For at avtala skal vere gyldig, må kommunestyret i den einstkilde kommunen godkjenne ho, jf. KL 28e. Avtala er ikkje gyldig før alle kommunane har godteke ho.

NAV Vest-Telemark handsaming av samarbeidsavtale

Kommunestyre	Vinje	Seljord	Kviteseid	Nissedal	Tokke
	15. nov.	8. nov.	18. okt.	4. okt.	2. okt.

Seljord kommune stad/dato:.....

Sign. ordførar

Seljord kommune

Vinje kommune stad/dato:.....

Sign. ordførar

Vinje kommune

Kviteseid kommune stad/dato:.....

Sign. ordførar

Kviteseid kommune

Nissedal kommune stad/dato:.....

Sign. ordførar

Nissedal kommune

Tokke kommune stad/dato:.....

Sign. ordførar

Tokke kommune

Sign: ____/____/____/____/____

**Saksframlegg****Utviding av aksjekapital i Telemarkrøye AS**

Utval	Utvalssak	Møtedato
Formannskap	17/19	25.04.2019
Kommunestyret	29/19	02.05.2019

Endeleg vedtaksrett i saka har: Kommunestyret**Dokument i saka:****Bakgrunn for saka:**

Styret i Telemarkrøye AS har handsama sak om utviding av aksjekapital med kr 10 millionar og ynskjer svar frå aksjonærane om kven som ynskjer å vere med på utvidinga.

Vurdering:

Saka er vurdert ut frå følgjande mål i økonomiplanen for 2019 – 2022: Handlekraft og kreativitet skal prege næringsarbeidet i Fyresdal slik at nåverande og nye bedrifter får lyst og mot til å satse.

Telemarkrøye AS har behov for å få tilført ny kapital i størrelseorden ti millionar kroner for å vidareutvikle og sikre framtidig drift. Styret har handsama dette og ynskjer nå ein oversikt over kven av aksjonærane som ynskjer å vere med på denne utvidinga.

Telemarkrøye AS har i dag fleire arbeidsplassar og potensialet er å bli ei stor bedrift i Fyresdal sin målestokk. Dei største private aksjonærane har signalisera at dei ynskjer å satse vidare på bedrifta, noko som betyr at det er god tru på avkastning på sikt.

Fyresdal kommune har idag 3,583% eigarandel. Utvidinga med ti millionar vil då utgjere omlag 360.000,-. Det er også signal om at nokre av dei mindre aksjeeigarane i dag ikkje ynskjer å vere med på utvidinga, noko som gjer at vi bør vurdere å kjøpe vår andel av dei aksjene. Dette for å sikre ei lokal forankring av bedrifta i Fyresdal.

Konklusjon:

Fyresdal kommune stiller seg positive til ei utviding av aksjekapitalen i Telemarkrøye AS. Dette vil vere med å sikre vidareutvikling og framtidig drift av selskapet.

Innstilling frå rådmannen:

Fyresdal kommune stiller seg positive til ei utviding av aksjekapitalen i Telemarkrøye AS. Løyving av inntil kr 500.000,- vert dekt frå dispensasjonsfond, konto 2510024.

Handsaming i Formannskap - 25.04.2019

Erik Skjervagen sa seg ugild i saka då han er styremedlem i selskapet og deltok ikkje i den vidare handsaminga.

Samrøystes i samsvar med innstillinga frå rådmannen.

Vedtak i Formannskap - 25.04.2019

Fyresdal kommune stiller seg positive til ei utviding av aksjekapitalen i Telemarkrøye AS. Løyving av inntil kr 500.000,- vert dekt frå dispensasjonsfond, konto 2510024.

Une Marit Aarbakk Tangen	
Konstituert rådmann	Kjersti Bergland
	økonomi- og plansjef